



真山後集

卷之二





真山人後集第一卷目錄

五言古

秋祀歷代帝王有紀

館課

初夏望雨

館課

喜雨

館課

步玉堂槐陰下

爲同年宮紫元畱行

復爲送別

永安道上值果兒生日漫作示之

舟次宿遷示萬休沂源兩師弟時將別予歸越

白下別張爾公

補介程伯建二百八十言

祝外舅李恒齋先生七十

七言古

賦得黃花晚節香 館課

雪夜與吳爾雪論詩因東曹顧菴

雨中野老行

土人餉我鮮鱠歌以紀之

梁玉立尚書索書走筆答之

五言律

雀鷹 館課

聞雁二首 館課

玉河冰泮 館課

為同年李飲和內弟三十初度

公車逆熊鍾陵榜眼于漢川共一夜話

過黃河書寄太父

榜後呈本房座主章夫子二首

陳院師爲余指示白燕堂遺趾感賦

寓中送同年唐書巢還無錫二首

答同年吳繭雪見投韻時赴館選

懷歸和韓固菴韻二首

館中卽事再和館師劉薛夫子韻四首

院歸與龐厚伯李雲田夜集分得兮字

李五雲田將歸席間走筆爲別三首

同館俞天木年兄假歸寄書來答之

送同館周茹公年兄假歸四首

寄懷同館周文夏年兄

雨中和韻答姜真源御史卽東吳繭雪刑部

二首

同館汪千頃楊鶴山盧躋菴年兄約過賈園層

樓看雨和躋菴韻

送素心督學河南二首

送督學邵凌玉使君二首

送狄堯藪知靈石縣

移書

送同門楊南叟年兄知青陽縣

同門楊青巖年兄其猶子允裘自南來携絲燈
甚麗因偕曹顧菴余岫雲家仲章往觀焉青
巖遂畱飲燈下出童子歌以佐酒夜分乃散
因限燈歌二韻屬予倡之時十二月朔日也
爲同年宋容菴選君四十初度時容菴以廷爭
拂衣并以爲別三首

送吳曼殊知徽州府

寄答宋眉居御史二首

寄濟南推官詹梅丘先生

卽席送熊長公元獻南歸

爲同年俞天木初度

寄懷開封推官文鹿講年兄

甲午初度二首

喜萬成至同盧未菴卽席限韻

送同年尹冬如知和平縣

過王涓來寓中同黃子晉夜談分得微字

寓中爲盧未菴初度

南歸吳蘭雪以詩六首別余舟中步韻答之

六首

步王宛蘿別余韻并寄饒型萬史聚菴方復齋
諸子

聞同門筮江上年兄巡方江西寄賀二首
賀同年王思齡巡視京倉

泊靜海縣

繭雪再以詩寄余步韻答之兼懷同年金亦菴

呂培祉陳念蓼吳梅麓諸子時舟次臨清

張秋遲王子木

濟寧值銜帖以武昌推官擢刑部北上

濟寧有失其子者爲鼓人所得予覺之維舟三日遣告泉闈工部唐載歌年兄載歌訊其家撫諭周悉遂爲母子如初因作詩以詠之

自辭金門傳兩弟逆于路過安慶始得三弟書云在九江相待展讀淚下卽思兼程前進風突如至遂作此詩

聞王子雲遣探予舟于江關先此寄答

宿退翁亭步師壁間元韻

喜劉依日來山居作此贈之時阿舅聲叔房季

限韻刻燭不能佳也

山中答郜凌玉學使

喜徐巨源徵君來城步韻答之

走瑤湖訪黃子威與其子孟傳二首

過黃敬淪遺宅

別同年筮江上直指二首

用前韻別高上孚兼寄同年鍾秀玉

春盡懷同年李飲和內弟未歸

送同年郭芝仙往山西

送同年王思齡納言假歸合肥二首

送同年張爾成萊州分守二首

送同年張華平汝南分巡二首

送同年張復我奉使論祭葬謝司農

正喜辛水兄子待菴補戶部郎

送馮西星歸里

舟至江寧馳報高堂兼示果兒詩以代書

四首

閩兒和予人日詩次日再賦一章亦屬予和

鎮江哭內六首

寄陳卜武都督

雨中過同年陳自修臬使署中小飲同沈茶菴

王昊廬卽席賦二首

寄內弟李飲和時司鐸廣濟

五言排

順治九年七月二十日

上駕親出郊外諭遣定遠大將軍敬謹親王及諸將

南征應制 館選

順治十年上元節

上御位育宮宴內三院大學士學士六部尚書侍郎

前後三日仍撤宴分給諸臣恭紀 館課

夏至 遣祀北郊 館課

初雪 館課

欣逢

聖駕臨廡陪祀聽講恭紀

上座主相國成夫子十韻

祝王仍齋學使

秋日同郝敏公少宰吳廣菴司寇冀公冶司空

朱右君副憲盧亨一讀學馬觀揚通政梁仲
林太僕讌集卽席紀事

真山人後集第二卷目錄

七言律

賦得金闕曉鐘開萬戶

館課

春懷

館課

西山霽雪

館課

賦得秋菊有佳色

館課

重過武勝關謁

關壯繆侯廟同李飲和作

抵都祭酒王敬哉先生招飲

過訪聶輯五侍御

過報國寺訪韓固菴有懷北夢諸子

旅夜王宜生中翰投詩索予舊集和韻謝之

過宿子受宅上和吳旣閑韻

念果兒生日却寄

莫四大岸以雲夢論南旋卽步見別元韻送之

和韻送素臣南歸二首

入署和館師劉薛夫子韻四首

春夜思 母大人

寄太僕余瞿父先生時立秋一日

送同年唐書巢戶部督餉寧夏

九日適汪千頃楊鶴山方月江來寓畱飲卽席

步月江韻時諸子皆居京城東偏

挽同邑譚懷菴評事

雪中過前輩曹厚菴司業讀其入掌成均詩賦

和

送晉黃知真定府

曹秋岳太僕招同顧菴宛蘿彥遠照千讌集適

前輩吳駿公先生有藏墨詩分韻屬和

送退菴御史假歸省親

聞謫杜門同門余虎臣年兄以詩見投步韻裁

答

謁前輩曹峨雪先生

有序

爲王天錫大理卿壽

上座主宮保孫夫子壽

同萬咸未菴除夕作

寄同年王二兮知平原縣謝其館穀予門下士

送石臺督學江南

喜王涓來館選

送姜真源侍御巡鹽

答韓固菴中翰卽步見別元韻

天津晤孫茂先世兄寄別吾師四首

舟中夜雨卽事同子木萬咸限微字口號

萬休以他約先發不果遂遲予同舟

江上逢同年王湯谷

有序

月下聽吹笙

衛河逢同年周茹公時茹公小不豫過舟道契

濶黯然有作并懷同館范觀公丁景行楊地
一諸子

過臨清謝同年郭石公戶部見顧兼以爲別
七夕立秋有感分得醕字

秋後一日逢同年沈繹堂握談移時雨驟至
過東昌問尚書張蓬元先生

逃署野寺適張君爽携具來因贈

舟行看荷花分韻得花字

秋江四首

寄懷高彙旃師

維饒姪走書白下索字賦答

舟中送維介姪西歸兼寄龍生

乙未初度泊江寧二首

過蕪湖投周伯衡使君

重過小孤山卽宿其下

送十五內弟藥我之任和州

贈同門楊青巖學使二首

喜逢蔣穎升時寓青巖署中

有感答陳士業徵君

歸過武昌走壽樊海通舅氏

過蘄州投汪梅苧使君

沈大悟書來遲至潯江兼懷茶菴舟中步韻答
之

過大通驛走使報同年葉植卿知歙縣

徐州別同年周文山戶部

送同年吳繭雪出知潮州步王思齡韻四首

送館師薛宗伯歸養三首

輓趙洞門夫人

送嵩岑僉事之任鬱林

答應章和尚用閣師張萊州元韻

介王高郵

去館漫詠十首

答曹厚菴掌坊見慰步韻

送黃心甫再過山左

復處士步韻

懷慶署中九日步雲田韻署卽鄭王子宅也近

始移此二首

答沈繹堂時官大梁分巡

已亥八月十五夜同長益索有容歌喜雲田還署限韻

候兵衛輝城中偶病卽事

將去懷慶與雲田子候其弟仲叙禮部捷音不

得慨然有懷異其再過署中時九月初六夜

也

爲維饒姪歸壽其母朱夫人

送譚灌湘檢討請假歸養

送劉杜三歸爲其母陳安人明年正月七十

嚴顯亭都諫過問并索新詩書此答之

同年張箸漢考功郎請假歸養喜逢其兩尊人

雙壽詩以送之

寓中逢奕僧山人七十步熊塞齋祭酒韻

耿簾伯以不羈去官來謁予甚恭卽爲其母七

十索詩予與尊公玉齊副使稱世交不得辭

率爾成篇

喜王素修前輩除學士

寄壽陳卜五六十

送季滄葦御史巡鹽河東二首

寄祝山陰胡太翁

九日夜集劉得輿父倡韻歌字

辰日示果兒

朱三菊廬來訊我近狀行歌互答漫成十首

有引

病中八首

送周彞初撫山左

寄周櫟園侍郎時備兵山左

九月朔日舟次滄州山左周撫軍彞初遣使迎

予先此奉報

周撫軍署中與長益夜話

九日周撫軍展待卽席走筆

畱別周撫軍

過蒙陰贈同年詹雲巒縣令

寄壽總憲龔芝麓先生卽用見別元韻二首

舟次石城喜宗伯閩園兄來卽步見投元韻却

贈

舟中春夜用韻

乙巳元日舟中試筆仍步前韻

元日舟中家集宗伯兄與其孫述聖并邀黃子

威過談卽席同用前韻

元日遣二弟先歸馳報 高堂再步前韻

人日江行

樊八舅海翁過訪投詩五章步韻答之

雨中承熊塞齋祭酒枉駕因出和余所書荀叔

扇頭韻見示疊唱奉答

十三內弟房季過我感賦

同房季渡河省外舅恒齋先生遇雨先投聲叔

宅上但見其二子

步劉千里投贈韻答之二首

丙午元旦試筆

上元步雲田韻示步成房季海臣諸君子

春雨卽事分韻得簪字

聽步成述王慈虎山居之樂詩以寄之疊用

前韻

步房季韻却贈

步步成韻却贈

忽念果兒今年二十七矣與予舉壬午之歲同也又文介公以前丙午舉因作口號勉之即
用所得分韻湖字

同年陳海士初度索贈却寄二首

寄同年雷六吉時巡鹽兩浙二首

寄石臺叅藩再任吳門

丁未元日試筆

真山人後集

卷之一

漢陽李昌祚來園著

男

必果 必蟠 孫 咸有 輯 西有

五言古

秋祀歷代帝王有紀

館課

天心惟愛德曆數有攸歸俯茲霜露降盛衰增歎欷
言念草昧日各有開闢力誰為慎初終四方觀作極
以此念前王法鑒當不忒草木日零落曾與歷天澤
秋風輦下起燎火輝雲壘俎豆錯方陳相維歌敬止
渺渺千載上陟降憑階祀典禮隆當代瓜瓞垂萬紀

初夏望雨 館課

天地職函蓋萬物託羣生入夏正滋長蘊隆若爲爭
聖人鍾祥應雨露答至誠胡不流膏沛而乃亢不平
佐理憂調燮府事念稻秔憶昨楚江苦驕陽經歲并
今方勤農事雲漢章神京仰視離畢上星占失重輕
雨金不雨粟金多豈爲禎魯史紀六月盛世有藉耕
時若古所重非徒樂吾氓逡巡籌盈昃恤國廣幪
安得行吟者歌爲大田賡

喜雨 館課

帝力休風久雨澍應不愆三春憂赤地一氣感旻天
霧隱南山合雲連北闕懸遠峰來積翠幽澗瀉新涓
有土皆膏澤有禾皆實堅黍稷民已給輸輓義何蠲
指顧倚亞旅殷勤履陌阡登三慶大有綏萬屢豐年
百爾承湛露無煩咏甫田要荒仰大德視草敢遲宣
步玉堂槐陰下

黃塵何撲撲烈日當長晝草草一勞人息躬六藝圃
過眼五色交影立笑我瘦所好在詩書而且攬林茂
槐老何年樹榮枯間新舊扶疎向人垂誰爲復攘詬

真山人後集 卷之二
置之深巖地未改依巖岫几鳥偕良朋風生成邂逅
山中三五株凄然念別後

爲同年宮紫元畱行

丈夫志四方所幸遭逢偶海岳盪吾胸寤歌足尚友
中懷良不殊得失分好醜今也胡爲來胡爲行趣趣
窅然涉天際何復問芻狗今古列萬象稅駕姑飲酒

復爲送別

與子登塲日意氣何飛揚我師惟古人鐘鼎亦尋常
胡爲中路岐市門作佯狂不得求非拙吾志無低昂

碧山豈負吾吾會戒履霜生平千秋約子獨摩青蒼
柳若爲之綠眉若爲之黃殷殷觸我懷執手淚成行
黯然無他語垂首賦將翔

永安道上值果兒生日漫作示之

生汝亦不早汝年且十五憶昔年三四挈汝出庭戶
避地將萬里艱虞何能數昨忽來京師羨言圖書府
三年食官糧無復克絮縷四世傳清白幸不謫終窶
汝生祖未見今又失曾祖我痛汝同哀汝慰我解組
發權自津門十日五風雨嘆息汝生後多爲行道苦

遇會各有時吾志寄仰俯努力念前修豈必爲公輔
舟次宿遷示萬休泝源兩師弟時將別予歸越
自我辭京華行將七十日泝流仗牽挽梅人奔就逸
何事只宿畱我心傷歲律賴有客逃禪唱予聲漸出
破除多微中喜不口言佛問君何所因來日亦壬辰
西陟五臺巔北憩數墮蜉寄食河邊寺我寓隔離籬
偶然逢揖厭從未叩我門舉世無相識各有我思存
幾年燕市火寒炊笑故我君本遠塵俗胡爲行踣踖
君曾爲我言我行無不可汝昔居深山何意入金馬

聞言若有失沾巾淚雨下憶昔約同遊君已馳前騶
展轉滯津門握手竟同舟君詩我爲和我酌君爲浮
懷抱向雲霄夜雨出潛虬夕發渡黃河風雨迷荒洲
無然別路渺正苦聚日少前帆石獲湖巨浪望森森
秋色上客衣況復當月朧時正晦日君去尚有徒顧我集
於蓼遲與升衡嶽一令五臺小

白下別張爾公

江風寒何早肅肅向我吹石頭城下來十日不成寐
橋邊橫舟艤乃見芑山子相思二十年相隔數千里

相將各有懷脉脉不能哆天欲成君志而我遂如此
斯文應有屬君學誠良史視我直芸署鬱鬱相抵毀
有母未遑將一官真敝屣嗟嗟歷多難世情日漉漫
逢場盛顏色深夜淡背汗誰爲素心人安得不永歎
我行悲思殷知我莫如君十月濤聲急岸柳拂暮雲
腸斷不爲別徒爾涕紛紛

補介程伯建二百八十言

我年二十餘重修長者行里黨多志士執禮盡橋衡
析義折羣在當時大小鳴息影十年間計偕不與并

因得老塾師授經滿柴荆遲我來金馬具令如諸生
解嘲嘲且至誰復問尋盟不圖吾程子古道相柱撐
詩文填舟車篇句索我評陋彼韓門下翺籍不避名
步趨誠小節翻覆耻俗情尚論豈必同期與微言明
今春到長安相視笑蓬瀛我乃奉 帝命六月阻王
程寓舍分東西十里遶重城入冬晝刻短况又隔陰
晴程子肯憚煩三日無履聲去國渾忘愁所賴意氣
傾素心亦已樂晨夕略送迎子生陽月初過時心忤
忤長言何足貴聊爲佐兕觥知子未強仕德業自莫

京大年奚云侈萬卷擁崢嶸難此燕臺集抵掌見生
平依然柴荆中舉此一楚儉寂寥對書牀有兒子爲
兄敬聽歌興寐談高四筵驚回首彈指事榮華過眼
輕

祝外舅李恒齋先生七十

自我陟王程九載離井邑假還甫數晨巷門勞拱揖
婦翁李恒齋先生策杖入中懷別感傷欲言不敢及
此月此日間先生稱七十族戚與齒誰猶得見父執
憶昔少年場揮毫笑強澀功名何足雄然諾重緩急

心許獨先公締姻託車笠未老學神仙五子聲燿熠
或對大廷來或擅聯珠集雞穴聽鹿鳴雁行尚龍蟄
堂下羅諸孫內外數盈廿掀髯盼庭柯樽中酒頻挹
先生乃蹶然榮枯等闢翁吾自有大還十千一呼吸
康樂天所遺行藏安足繫不然田舍叟妄傳丹砂汁
紛紛車馬客亦曾分爵級我誠知先生長傍冰清立

七言古

賦得黃花晚節香

館課

九月落英平幽砌氣轉沈陰香生細零露何人籬邊

來無酒臨風醉若泥數盡苔橫荒草萎凌霜莫與留
蘭桂搖影參差能射日滿眼迷離看不出疑有明月
照殘壁稜稜傲骨無蕭瑟白衣顏色自嶙峋莫負衆
香國裏身人生芳鄰難再得松栢無顏閱舊新吾對
黃花慙未老秋水溶溶自有神

雪夜與吳繭雪論詩因柬曹顧菴

旅夜朔風何刺刺門外雪深已盈尺憶昔憂心未可
安兩度桑乾十日客于今屈指竟經年得友樂與數
晨夕嘯歌倡和各有懷俯仰天地成壘啞更殘氣盛

未肯降涕落松烟亂小牕大文長在誰譽毀揮毫只
恥爲櫛比千秋萬世幾知名青白逢人過眼底酒醒
月出不勝眠早起問訊向樵李

雨中野老行

一夜北風吹暮雨不寐呼兒尋漏補曉起晴陰分兩
角蕩舟濛霧愁無數將進酒酒微醺彈碁漫唱沁園
春歌聲斷處腸幾迴柳絮飛青燕子來江上行人去
如織一日十里帆不開憂心草草誰爲寫深山會坐
風雨下垂綸且向谿東西茅屋看山一瀟酒回首不

見南村有蓬門野老漁蓑獨立者又不見終靈沈沈
周四圍車馬客多不得歸蓬門之老尚閒閒何必廣
厦千萬間

土人餉我鮮鱒歌以紀之

六月湖水高羽篷大船小船趨橋右深山雷雨護蛟
龍一夜電光如白晝道人屏息肅衣起茅屋兒女爭
僣憊谿邊罷釣十日許巨鱗那復充饋餽忽有漁蓑
者于思崎嶇百里江上來兩足拖泥向我揖笑釋肩
胛爲我開罾中之魚旨且多中有雙鱒裹青荷愛君

留君君且止禮法鄉人久廢矣于我丘壑性更宜高
呼列坐弟與子因想古人憶蓴鱸豈必口腹便足恥
梁玉立尚書索書走筆答之

一官兩載身如寄十指懸椎復何爲堂陰樹老落葉
積忽忽又見秋風亟剝啄問誰來棘寺應門長鬚噴
熱睡梁公一紙門外至索我春蛇秋蠅字方公虞褚
公出類何須觀鬪張顛醉特因筆諫增我思先公焚
草千金遺交通孔李當年事禰衡無用懷中刺不記
嘉賓會鹿茸會傳滹水有雙丁

謂葵石也

伯氏仲氏集神

京殿上學士推端明憐才豈肯後生輕追隨竊聞樹
音聲出司九伐邦國平顧我猶作蚯蚓鳴執法敢云
盡得情祚也願爲人求生國家大刑在甲兵中樞之
任已尊榮惟公及時立勲名驅除雀鼠縛長鯨公命
我書我縱橫腕中落墨塗鴉驚

五言律

雀鷹 館課

天闕晴空迴低徊見雀鷹知無疎網目應與待飛騰
厲翼頻羞燕凝翔有墮鵬 聖朝非好武諫獵亦

何曾

聞雁 館課

鄉思寒倍急何復雁聲高搖落誰能惜悲鳴徒爾勞
嚴霜來塞北佞月下江皋矯首知難屈臨風顧羽毛

又

聲切驚風勁披衣問鷓鴣于今傳上谷應早入衡陽
莫爲呼羣亂多從鼓角忙故園消息杳寄慰轉徬徨

玉河冰泮 館課

春風皇路滿和氣動寒凝葉下驚潛伏雲流自曉升

真山八後集 卷之十一
不因殘露合偏與夕陽乘俯視石梁路行吟思不勝
爲同年李飲和內弟三十初度

今日君三十四時幾代遷記同鵠立日猶是鳳雛年
過眼繁華失牽衣父母全孔門家法在不必問神仙
公車逆熊鍾陵榜眼於漢川共一夜話

久不欣相見依然風雨情登車原負媿問鼎獨成名
酒促迂辛醉燈分太乙榮馬蹄人共羨我尚聽鷄鳴

過黃河書寄 大父

忽忽河邊渡覓驚過祖庭只因多負累不是任飄零

玉女峰前杖金人座右銘家居惟我法正好戶常扃
榜後呈本房座主章夫子

賦獻南宮日春風拜紫泥夢同滄海泛材媿杞楠齊
詎許攀龍見先觀吐鳳題十年依硯北今日侍關西

又

師名重禁苑門下動奎參蓮炬頻呼徹珠花不盡簪
道尊同石鼓人比在山陰容我天真對欲援海上琴

陳院師爲余指示白燕堂遺趾感賦

相國陳夫子爲言白燕堂空梁懸舊蹟虛室轉餘光

夏日飛瑤雪天風浣海裳及時當再見顧盼動同行
寓中送同年唐書巢還無錫

輕去長安道同心謝故人言歸終有興得友若爲因
處我慙牛馬看君自鳳麟生平珍重意肯負再來身

又

十年谿上月誰許復重論但喜還家早何心來日繁
着衣新綵戲懷璧舊名尊放眼升沈外長歌發晚輪

答同年吳繭雪見投韻時赴館選

十年息壤在何敢負相携唯子堪金馬逢人似木鷄

臨風懷抱遠落日嘆聲低自有千秋在難言旅夜淒

懷歸和韓固菴韻

爲我施鞭策何如友共師難將陶令米空負習家池
雨後千峰靜日邊一雁遲流傳江漢上憔悴失農時

時燕臺四十餘日雨而吾楚三月大旱亦一異也

又

誦讀從吾願生當五嶽遊未能行萬里亦自命千秋
嘆息忘長夜依稀夢舊樓不知今與昔身似泛滄洲
館中卽事再和館師劉薛夫子韻

芸閣分書讀觀文星次齊道尊依杖履物曲備刀觶
堂靜雲光上磚橫日影西齋思淵默裏長祝息征輦

又

曙雞催漏盡馬出亂霜塵類聚圖書地晨興弟子身

師恩兼念舊

予壬午房師孫澹如
禮闈出劉師本房

國制更從新延閣

雖榮寵難娛鶴髮人

又

驅車曾有訓負媿已經年直閣分新舍中書累舊氈
興言家國重難許夢竟偏考史看儀表因時附大賢

又

羣來期靜息雁過正驚林選士風雲合延師雨露深
周旋慎舉體敬業有同心大小鐘聲叩長歌懷遠吟
院歸與龐厚伯李雲田夜集分得兮字

老馬官糧盡更深不杖藜客來容我拙醉去看花低
會夢占龍見誰狂歌鳳兮近傳鄉信急旱魃問餘黎
李五雲田將歸席間走筆爲別

怪爾思歸急臨行暮雨遮問誰能共語知我嘆無家
頻有高堂夢愁看上苑花陋居憂莫展不是羨繁華

又

與君姑飲酒泣下且婆娑信宿爲歡少乾坤畱憾多
良朋誰永歎古道復如何楚客能悲怨莫從易水過
又
深閨縱與約寧不憶當年南浦江帆去西園夜雨前
眉山原舉似淮海誤流傳各有生平在停杯思惘然
同館俞天木年兄假歸寄書來答之

同有高堂夢南歸子獨先論心知愛日彈指若經年
秘閣君臨寵文章國制專仰懷畫荻事期莫負前編

送同館周茹公年兄假歸

誰共千秋志悠悠送子行輕舫成獨往秋月歷王程
歌出翻新調更深憶舊盟山居縱目好遙憶讀書聲
又

與君分直舍論古詞多微長嘯一何惻孤懷詎自違
相看尋息壤何敢負漁磯今日臨江上蕭然一葉歸
又

且曰臣饑甚金門數上書未堪許燕雀寧必爲鱸魚
明發懷親切周旋與世疎淵明曾有句吾亦愛吾廬

又

子意薄高祿念予亦固窮鳳鳴欣有待

茹公以巳丑中會試壬辰

同殿

試 鵠立許曾同

茹公中鄉試同壬午

似水臣心在如醇友道

終贈言無狎語投分古人中

寄懷同館周文夏年兄

君行曾數過未見卽成行抗手驚離別同心略送迎

槐陰空晝影蓮炬肅宵征長憶還家樂雙雙鶴髮榮

雨中和韻答姜真源御史卽東吳蘭雪刑部

風雨頽垣下長安六月涼每懷丘壑好時有稻梁香

移興畱殘夢同心問大荒古今誰舉似白髮共君長

又

共念餘生在危言數子心難將塞北曲漫報隴西吟

七貴威難屈雙親愛自深思君懷古道騎馬復重陰

時真源巡按隴關會劾當路復命請假歸養

同館汪千頃楊鶴山盧躋菴年兄約過賈園層

樓看雨和躋菴韻

雨勢看浸出層陰欲上苔氣蒸延夏日風轉復殷雷

遙接桑乾水疑同灩澦堆放懷高閣迴分飲盡金壘

送素心督學河南素心爲同榜二甲第一

落落長安道因君託往還雁行分譜系鶴立見臚傳
共擬秋霜似爭稱水鑑懸皇華歌豈弟風教遍三川

又

天心欲治日

聖主重人文特簡符羣好同時詠

五君

時楚閩齊秦同試

洛伊傳雨露嵩嶽動風雲莫使官牆

望疑真有異聞

送督學邵凌玉使君

吾楚流風失于今得所師奇才傳禁重古訓過庭垂

時凌玉尚侍尊甫銓部公膝下

因尚煩文德相推有教思離騷無蔓

草敢謂盡蘭芝

又

臨軒來特鑒誰復盛斯時側聽傳星聚欣成自斗移
有文馳漢廣問字續楊奇遲我長安客歸看列絳帷

送狄堯藪知靈石縣

金馬逃名地何期過問頻羨君能信友

爲爾雪

恥我未

親民風會傳堯俗輿圖望稷神匡時當復古攬轡慎

咨詢

移書

移書纔數武門喜向西歛徑曲傳呼少棲幽俯仰宜
臨文多獨賞懷古結相知爲問年來事草位未敢奇

送同門楊南叟年兄知青陽縣

屈指師門列分官南土多論才君辟易問業我蹉跎
秋浦花相待春明柳若何佇看旌旆轉不耐馬嘶過

同門楊青巖年兄其猶子允裘自南來携絲燈
甚麗因借曹顧菴余岫雲家仲章往觀焉青
巖遂畱飲燈下出童子歌以佐酒夜分乃散

因限燈歌二韻屬余倡之時十二月朔日也

院歸扉晝掩此夕樂呼朋偏愛同年友爲懸隔歲燈
月臨色一片風折影千層豈復春相待乘時興乃增

又

談深依正切洗盞興偏多四壁光曾借五君詠若何
時同門官京師者七人楊
地一王崑山二子未至
那看入宛轉猶自起悲歌
聽盡情難寄翻忘獨舞僇

爲同年宋容菴選君四十初度時容菴以廷爭
拂衣并以爲別

豈爲同鷓侶依然念鹿鳴君前悔汎愛予敢負平生
直道難初合通才應大成卽今纔四十漫語及躬耕

又

屈伸龍性在夔伏復何妨況共推水鑑曾先到玉堂

容菴典試河
南先官庶常八年歷要地一日拾輕裝畱得廉平譽

誰言公論忘

又

吾儕俱有母子去侍庭闈雁序占星聚熊祥待晚輝
欲分中散酒更著老萊衣遙念承家慶應看有鶴飛

送吳曼殊知徽州府

蘭譜知名久論心喜自今讒言爭欲避僻巷轉相尋

古道三人合

曼殊爲
蘭雪弟

離情五月陰行看溪浦下豈必

數羊任

寄答宋眉居御史

往事何堪念深衷履道窮埋輪明夙志攬轡見滄公
德已全遺孑義能及渺躬自從失覆露不敢問牆東

又

幾載金門下懷君數寄書物情看屢變我法幸相如

王道方無黨公評自不虛華林山縱好詎忍負三閭

寄濟南推官詹梅丘先生

居近交非薄談心自帝鄉所親見父執未敢逐兄行

先生為予同年五中尊甫又為任衡兄同門同年雅量容高下長才見激揚

東來名籍甚更許託餘光

卽席送熊長公元獻南歸

時尊甫鍾陵典試浙江又得少子于京邸

鄉夢亦何切驅車復不遑填笊傳黍谷桃李自錢塘

露過秋初白人歸菊正黃生平丘壑志送汝倍難忘

為同年俞天木初度

相逢皆寂寞辰日應追歡況與論交密偏能我法寬

嘯歌懷故里醉眼向同官誰引神仙術筵前興未闌

寄懷開封推官文鹿講年兄

記別曾春雨孤鴻六月過心同仍白水書報在黃河

絳帳名猶重梁園賦應多知君學不忝顧我媿鳴珂

甲午初度

直北是何日重經十月寒三年未拜母百折媿為官

南雁愁心盡西風淚眼乾一杯那復醉乘興強追歡

又

祖老念尤切南來寄語頻解嘲說太乙負慝自壬辰
表拜陳情駁人傳部黨新生平徒用拙漫語百年身
喜萬咸至同盧未菴卽席限韻

久客家人至兼從伯氏畱談深媿虎觀寒盡直羊裘
況得同鄉戚偏驚說宦遊河邊辛苦事對酒不須愁

萬咸黃河
遇寇警

送同年尹冬如知和平縣

豈不念南海知君意氣揚有懷觀細柳不肯賦長楊

前館選日冬
如先歸不赴白鶴峰前月金魚嶺外霜功成先撫字

推轂始爲郎

過王涓來寓中同黃子晉夜談分得微字

偶然乘輿過亦復比山扉有客彈長鈇何人老少微
共言無鐵籠非敢愛金緋壯志吾徒在十年未肯違

寓中爲盧未菴初度

昨歲稱三十憶君未就予有懷多獨往與衆樂相於
大略觀羣史深心寄卜居才華應不減更進復年餘

南歸吳繭雪以詩六首別余舟中步韻答之

終天恨豈釋君誦穆如風讀罷聲將斷涕零隅向東

號皋千里外無父廿年中極目南來訊哀鳴幾日鴻

王父訃音
得自驛使

又

已慙缺定省慰我仗平安期與還初服詎因着素冠

築廬懷采藥當戶畏鋤蘭不盡傷心淚良朋一永嘆

又

得歸何所待風急一帆斜世縱知予少音難為爾遐

陳蕃誰是黨庾信已無家說到清明夜忌日心灰似

落花

又

豈久耽微祿勞勞鷄樹栖人情漫屈指吾意已忘蹄

乞養心徒切吞聲語自低嗟今何復及願老北山谿

又

念茲當陟降夜數夢還醒悲至日為歲傳來地隕星

祖孫相更倚師友亦曾聽空負春正約含妻過蓼汀

又

昔人游戲地此日哭聲中魏氏笏猶在江郎賦未同

車隨殘露白血迸曉江紅瀨上行歌者于今見古風

步王宛蘿別予韻并寄饒型萬史聚庵方復齋

諸子

幾載趨丹地君應第一流同心忘薄劣分手獨離愁
弔影聲聲暗哀江日日秋堪憐予且去不復為東留
先是諸子亦居京之東偏後西移

聞同門宣江上年兄巡方江西寄賀

古道相期許師門復幾人樂羣偏獨賞懶過見天真
正嘆卿憐我忽傳帝簡臣章江吾舊土此日想
聖輪

又

不見乘驄久新綸自九閣報恩應有奏執法已無

冤江上前道肅豺狼伏冠驚獬豸尊澄清今日事努

力向中原

賀同年王思齡巡視京倉

春讌憶同列登壇衆復推千秋息壤重五月繡衣來
為採知名士特需濟世才善行天子意解網有

餘哀

思齡前任兵刑二部多所全活

又

真山人後集 卷之一
奏名君第一知屬物望歸同往求民莫依然在帝畿
國中方索賦天下幾無飢長策爭相待霜生隼擊威
泊靜海縣

盜傳靜海急吾意任輕舟早泊風翻定殘樽月可收
村叢徒壁立野掠有烏浮媿話為官在防兵未肯休
繭雪再以詩寄予步韻答之兼懷同年金亦菴

呂培祉陳念蓼吳梅麓諸子時次臨清
何堪書數至悲遠動秋雲岱峙千峰伏河流九派分
路迂翻自悔客散失多聞為仗諸公在昇平答

聖君

張秋遲王子木

張秋亭午泊為繫故人心何日山陰棹停雲彭澤吟

僕痛南旺阻子木曾有南旺之約橋圯北河侵行行當早發野

蔓戰場深時子木往棠邑為古戰場

濟寧值銜帖以武昌推官擢刑部北上

記歌棠棣句多難十年前落日晴川下秋風汶水邊
老成原倚重淑問獨勞賢向北知情急何堪淚眼懸
濟寧有失其子者為鼓人所得予覺之維舟三

日遣告泉閘工部唐載歌年兄載歌訊其家
撫諭周悉遂爲母子如初因作詩以詠之

豈不懷行路難堪母子情倚閭三日切野泊一身輕
勸諭煩吾友流離見此生濟寧傳近事善政及孤嫠
自辭金門傳兩弟逆于路過安慶始得三弟書
云在九江相待展讀淚下卽思兼程前進風
突如至遂作此詩

知汝潯江泊先懷母命將五年三寄語

弟會三
約至都一日

九迴腸寒渚西風吼巖更野戍忙行行難就見空對

鏡中霜

聞王子雲遣探予舟于江關先此寄答

老友飄零盡聞君強自娛論心從夏口揮淚爲樊湖
夫人靖節地會否江州酒無然處士孟慙予煩遠問歸去

一舟鳧

又

燕市書曾至依然左蠡停往來歌已泣出處夢尤醒
書來曾述
夢中語近事看頭白何人過眼青知君如石屋未
可負幽冥

宿退翁亭步師壁間元韻

元祐前朝事猶傳魏了翁虛懷萬壑赴孤立一亭中
蝶夢曾相逐鴻翔未可籠悠悠山下路月照五更紅
喜劉依日來山居作此贈之時阿舅聲叔房季
限韻刻燭不能佳也

忽復承相過潛然見祖姑高曾去未遠父舅老將扶
策志乘年少傾心服腐儒莫言零落久天意恤諸孤

山中答邵凌玉學使

知子千秋志何爲賦式微論文因有僻與世竟忘機

南史書猶在樂羊事已非徒懷江上客仍作反騷歸

喜徐巨源徵君來城步韻答之

南州多老友亂後幾人存各有生平在難將出處論
西京容曼倩天寶泣夔門浪跡誰能着孤舟一夜言
走瑤湖訪黃子威與其子孟傳二首

道坦幽人吉名存異代驚臨溪聞梵語履畝見躬耕
文許爲龍虎客過嘆鶴鴉放歌吾不減仰看少微明

又

石出秋將老楓迷幾處津十年前路在三月及門親

時孟傳正 鼓柅吾方倦 含飴汝自真 孟傳思歸孝法 昌省其王父
言堂壁滿詎肯負前人

過黃敬渝遺宅

結宇南村下林深 晝不開高堂三徙倚 破壁一蒼苔
忍過西州路 因會北道來 千秋同志失 豈只為君哀
別同年筮江上 直指二首

記自春明夜 別經兩度秋 布帆來石壁 驄馬下江州
人比陳蕃在 詩同謝眺留 見江上游 周咨公等事早

釋 聖人憂

又

逢時非乏術 君志在千秋 冰玉趨庭日 江上尊甫先 官萬年令

春膏下帝州 我懷多徙倚 不是少淹留 纔見旋分袂
相逢各有憂

用前韻別高上孚兼寄同年鍾秀玉

豈為尊鱸過扁舟 閑九秋 客中雙北道 榻下一南州
人擬冰壺似心同 鐵石留明年 舊閣待莫用 別離憂

春盡懷內弟李飲和未歸

別君經歲改燕過 夕陽殘路失三春 夢帆開八月灘

真山人後集 卷之一
黃金看有盡白雪和應難盜賊東甌急翻為逐客寬

送同年郭芝仙往山西

芝仙以春坊左遷此地時捧表來

纔到旋為別春風奈若何柳青危渡急月冷太行過
入直同心少左官近事多講帷方思舊無復唱驪歌

送同年王思齡納言假歸合肥

先為御史巡倉

吾儕淪落盡君復早言歸一日書頻上千秋志不違
筆簪冠鐵柱約結步金扉王命方承寵知名久帝畿

又

慚予將去客此際更誰看初服三人令

為篋江上

離情六

月寒荒唐巢父樹興會鹿皮冠肥水仍吾楚魚書莫
渺漫

送同年張爾成萊州分守

海岱雄圖在長才冠等倫賜袍來日照開府出天津
歌發驪難繫秋深雁尚賓令新方岳重 帝簡盡

詞臣

又

豈但惜君別難將往事論微名依韋塔先世立程門
過眼物情換敬身古道存膠西曾有相出入是君恩

送同年張華平汝南分巡

春正前後日同到郭隗臺獨對湘江遠羣空越嶺來
比鄰方有德分采特需才非敢歌行路霜冰十月催
又

行行天目近南望指山家餘潤黃河水高標少室霞
熙寧推富弼著作重張華顧盼前期在日邊下白麻

送同年張復我奉使 諭祭葬謝司農

祇見君恩大哀詞動使臣日觀來白蓋天節送烏輪
不斷千山雪是日大雪節爭輸九斛塵當時金馬客南北

盡離人

喜辛水兄子待菴補戶部郎

不過滎河久森森玉樹開癡看廷尉老喜得地官來

濤怒潛峰閣

先以官安慶
得罪巡方

春回易水臺

近敘守安慶
功世襲加陞

部報恩籌國計莫負嘆奇才

送馮西星歸里

羨爾輕舟去葫蘆境自寬東鄰誰復識長鈇不曾彈
高卧藤陰老圍棋雪夜漫何時重話舊相對一漁竿
舟至江寧馳報 高堂兼示果兒詩以代書

真山人後集 卷之一
五年執法使忽忽雪盈頭有母美難寄爲孫土未抔
孤臣萬罪狀多病一歸舟惶悚蒙恩放何堪信宿雷
又

曉發徂徠下流霞看欲垂初寒迎日笑將暮望村疑
興至田家酒更深麥子糜寧無行路歎勉慰有歸期

又

漸看南路熟幾日楚州過忽報秋將盡翻驚露轉多
山風回白鷺夜月渡黃河假寐肩輿上何妨醉尉呵

又

二十四橋下停舟遠市門客無勞折東我敢溷高軒
獨酌惟辰日不貪過午飡問醫求舊識豈肯爲名喧
閨園兄和予人日詩次日再賦一章亦屬予和

放舟如昨日風急夕陽天漿盪浴鈎月簾開罨絮烟
懷人應睡足得句喜篇連行處同心共身輕勝舊年
鎮江哭內

一棹維京口挑燈淚濕巾五年長夜地間道再來人
衣冷三冬雪濤飛兩岸燐招魂如可卽灑酒問江神

其二

蓋棺曾幾日蒙難竟孤征長號小兒女分身各死生
嗟予畱傲骨負汝尚虛名今夜金山下安能禁失聲

其三

千秋橋下夢何夕得重偕白日天難問青山骨未埋
遺封三錫命長物一裙釵澹泊生平意長眠彷彿

齋

時樞厝
別館

其四

風波經歷盡病起仗人誰伏枕思歸客牽衣失母兒
白頭應有恨素影倘相隨結髮如良友西州那不悲

其五

幽冥未肯負之子早當歸何地畱泡影逢場合箭機
莫因中道殂長嘆此心違閨閣微聞道聞言定不非

其六

只我憂如結難堪遶膝哀含飴傷口澤把筆欲心灰
臺鏡塵常沒匣琴晝未開生人終不樂短髮自相催

寄陳卜武都督

相別是何年思君燕子天骨消扶病枕僕少買舟錢
一自空山得偏多野衲緣元龍湖海士應爲老夫憐

真山人後集 卷之一
雨中過同年陳自脩臬使署中小飲同沈茶菴
王昊廬卽席賦

城居偏不耐江上幾回眠數過陳蕃榻呼來李白船
廿年車笠在二客玉珠前星聚今朝事遺風憶昔賢
又

安得素心共投車自古人浮雲長蔽日膏雨法堂春
白墮容衰晚青山結舊鄰過牆枝老放垂影落花茵

寄內弟李飲和時司鐸廣濟

自別蘄陽路還家鬢已絲廿年同學少五月數行遲

詩思無能敵酒錢果仗誰莫言栖枳棘鳳穴早差池

五言排

順治九年七月二十日

上駕親出郊外諭遣定遠大將軍敬謹親王及諸將

南征應制 館選

皇仁非好武天意在咸劉以此一方困能無五夜憂
彌田親簡閱禡祭重軀縷帷策昭乾斷轂推藉晉侯
將軍投袂起壯士飲醪浮盃視昆明水砥平駱越丘
東南紆粟輓中外奠金甌露布袁宏草佇觀燕喜謳

順治十年上元節

上御位育宮宴內三院大學士學士六部尚書侍郎

前後三日仍撤宴分給諸臣恭紀

館課

春臺歌詠久此際會當陽火樹連星赤金枝近日黃
堂開合劍履筵肆奏笙簧唯汝鹽梅若因之簾陛忘
錫三命以正備五醉無荒 特賜崇公輔分榮重闔
闔承恩邁往事食德載餘光一體家人意萬年君子
觴乃心同飲和拜手敢言颺嵩下傳呼聖日中字日
王非徒成燕樂實足見明良執筆從西省寧煩監太

康

夏至

遣祀北郊

館課

帝曆正當午皇猷已告辰地寧化日永候至景風頻
展禮元郊望報功方澤禋齋虔合殿陛慎簡及臣鄰
黃玉肅宗伯黜牲戒牧人鬱金茅縮酒藻火鼎飛塵
禮邁含桃薦思同昌歎陳六音調復古八變振如新
邸出兩圭列營陪五緯均廣生卑法在分祭舊儀循
伐鼓登三頌奉璋奠百神

初雪

館課

真山人後集 卷之一
肅氣雲初合霏霏下絳霄沾衣濕未盡拂瓦間能消
六出花爭艷九秋風正蕭坐看盡日迴似向禁門饒
黃竹空相賦白華莫漫招盛時多瑞應雪已不封條

欣逢

聖駕臨廳陪祀聽講恭紀

統御通三重道尊符一神人文弘始化聖敬躋維新
振鷺開黃幄飛龍扈紫宸闕宮輝日月崇序履星辰
禮肅高秋舉樂繁夏茨陳九重颺拜舞萬彙荷陶甄
言笑經筵霽都俞講席親文思睿見帝行健德齊鈞

兩司成講
易書首章

在泮魚游藻于岡鳳颺晨金莖霑露徧瓊
液散霞勻珥筆歌從邁蒞珠喜共遵橋門園士女邁
會慶臣鄰率土鴟音變漸達鴻羽賓澤纏洙泗衍庠
起俊髦振建極百王冠近光萬歲春

上座主相國成夫子十韻

庭碩仍封國堯夫繼秉均祕圖連五緯大雅總羣倫
應瑞鳴丹穴澄懷眠紫珍移人情海水相士法精神
鳳子珪璋立龍門禮樂陳蓬池傳上膾暢轂列高茵
體自廬陵正制從元朔新威儀方尺玉甬坐四時春

野贊猶雕篆著言在帶紳上林雲樹合聲影幾逡巡
祝王仍齋學使

福地傳當代茅峰復有人太原前系遠江左舊名尊
積學真無敵長才迥出塵龍門開上國棘署解罷民
顧我徒迂拙對君自主臣師同分閔冉交獨比雷陳
意氣干霄漢聲聞達禁宸公論欣特簡前路已周詢
桃李三春滿芝蘭七澤屯空羣知馬逸大將得材掄
正直咸能與文章若有神作人詠壽考多士待陶甄
星聚吳連楚嵩高甫及申壺中添甲子堂下慶芳晨

雲白招黃鶴盤青供素鱗天心藏月窟道骨轉河津
元老調羹日無忘漢水濱

秋日同郝敏公少宰吳賡菴司寇冀公冶司空
朱右軍副憲盧亨一讀學馬觀揚通政梁仲
林太僕讌集卽席紀事

上客高軒過羣公聚德星畱歡金管徹觀止玉珂停
水檻叢芳濕紗牕宿霧冥收書搖綠綺捲幔動青萍
門外松將老堦前草自靈緒言驚白雪徙倚亦丹青
德業夔龍集風流姓字馨鈞衡操國政柱石總朝經

詞藻江山麗勳猷鼎彝銘殘樽移夕月暮景出流螢
不知歌湛露逸興遣沈冥

真山人後集 卷之二

漢陽李昌祚來園著 男 必果 孫 咸有 輯
必蟠 西有

七言律

賦得金闕曉鐘開萬戶 館課

雲門早奏聖人宮漏盡鐘傳度曉風視夜驚聞思捧
日迎光肅拜共呼嵩聲疑下坂都騎擁響應朝宗衆
壑同侍從欣瞻多紫氣好音咸與祝發弓

春懷 館課

春風未改動長安獨立蒼茫幾歲寒車馬黃塵悲古

道文章白雪仗同官閭閻饑饉頻頒帑巴楚烽烟未
解鞍最媿勞人虛日月高堂遲與獻椒盤

西山霽雪

館課

鬱葱山色倚雲生昨夜凌空雪有聲坐看數峰天際
迴遠從千礪夕陽明人依北闕春先到鳥入青霞霧
似平幾帶螺痕堆晚翠蒼蒼暮氣下寒更

賦得秋菊有佳色

館課

種花愛菊獨疑霜已入秋深色轉黃笑看籬邊先欲
醉折垂鬟後更生香星雲羅布疑襄織鸞鳳招飛失

羽裳卽此乘時增瑞氣芳名何數及重陽

重過武勝關謁

關壯繆侯廟同李飲和作

重關數過與初違羅拜殷勤淚獨揮天意久難畱漢
祚人心猶自念侯威匪躬兄弟君恩重知己仇讐古
道微底事英雄存大憾夜來寒澗雪霏霏

抵都祭酒王敬哉先生招飲

曲觴何事待三春家觴筵開衍主賓偕計驚傳新甲

子尋盟恰喜舊壬辰

家宗伯公與王太公
方伯前壬辰同籍

光輝藜杖

書分案先後金蓮炬照人報國如公真不媿名教此

日樂成均

過訪聶輯五侍御

與君兩世喜登同江漢猶傳往事中抱道爲民驅碩
鼠立言舉國識青驄祇嗔交態頻翻掌時有悲歌獨
倚桐香螺卽今盈玉案肯將氣誼任飄蓬

過報國寺訪韓固菴有懷北夢諸子

燕臺車馬爭相識有客清如許散愁投舍偶因僧磬
止憐予空負網羅求自知谿月長相待聽說松風暫
欲畱安得同心諸子在置身當卧華山游

旅夜王宜生中翰投詩索予舊集和韻謝之

客中拱揖廢登臨草答千行與夜深幸見車書初復

古時定品已借愚賤得居今看君視草承家學笑我

折肱只苦吟未免嗜痂傳好事謾因章句託同心

過宿子受宅上和吳旣閑韻

長安五月雨沈沈愁盡天涯游子心爲避高車三退
舍偶尋別業一披襟縱橫書滿聊頤笑上下牀分獨
卧吟情慙主賓絃管急壺觴向夜自蕭森

念果兒生日却寄

出門念汝意紛紛今日生辰自倍殷傳說數言曾決
事昨來累牘頗成文但能誦讀無嬉好豈必箕裘盡
策勲茅屋階前看遶膝含飴多與弟昆分

莫四大岸以雲夢諭南旋卽步見別元韻送之
十年多難客天涯誰夢長安入酒家漫笑金魚能拚
醉頻驚鐵馬尚橫笳聞君返櫂吳連楚聊爾稱官書
滿衙況說高堂重有望縱懷別緒敢迴車

和韻送素臣南歸

纔得秋深幾日晴多因酒債缺長鳴客來信宿多談

劍夢影參差只采蘅負約已慙抱甕叟寄愁隨向射
書城送君別有相思在不爲蓬門數落英

又

之子翩翩獨遠塵移樽疊唱過前楹周旋我久誰爲
我作法卿還自用卿三徑兩人成往事一帆千里漫
同聲莫因暫爾行藏亂尚有吾廬愛此生

入署和館師劉薛夫子韻

放懷何處問滄洲來向金門託勝游禮樂猶存同揖
讓典墳相對足藏修豈因鞠草荒周道用涉汪瀾視

真山人集 卷之二
砥流近有名教樂地在敢違函丈自沈浮

又

鄉思猶在古芳洲視草偏驚說宦遊喜得及門親馬
鄭徒慙同列比融修五雲多似鳴珂靜片月看隨響
欄流盡夜松風香辟紙芸臺當見五車浮

又

十年進退馬班如此日欣逢草昧除尊道已隨儀再
見上時幸學
叨侍從典文敢謂學全疎異同讐校求前代今
古絲綸重直廬黽勉相期傳大業吾徒何敢負羣居

又

求衣數問夜何如受業真慚歲漸除羅列星廻宮樹
遠參差日射舊槐疎纔趨近侍來堂陛隨荷 君恩

下井廬

時以楚早上疏
蒙 旨蠲免

盛事頻觀多復古願從掌記

紫宸居

春夜思 母大人

身有高堂未即安官貧無計得承歡每逢驛使驚相
問纔直承明興已闌流水莫投同杜孝秋風難待即
張翰深更不寐微吟出遣醉樽前咽未乾

寄太僕余瞿父先生時立秋一日

先生爲大父
辛酉闈中所

取士其子岫雲又與
予同年同門同官

驚從亂後說平生爲望伊人秋水明書記前來多漫

滅山居深處自崢嶸

衢有崢嶸山

比于管樂知龍卧家有

談遷起鳳鳴感念淵源頻恤我何時初服遂陳情

送同年唐書巢戶部督餉寧夏

禮官誰意復同除兩送君行嘆索居猶記論心三月
後難忘回首十年餘懷人花馬池邊草籌國蘭山塞
外書離別不堪多歲月安能吾再負鱸魚

九日適汪千頃楊鶴山方月江來寓畱飲卽席

步月江韻時諸子皆居京城東偏

僻居豈敢獨棲幽車馬城西多勝遊只爲論文皆素
履因難託跡渾朱樓幾年米價慙逋主一夜風聲動
暮秋有酒何妨乘興醉黃花炤眼不會愁

挽同邑譚懷菴評事

兩年潦倒向長安里黨風流獨汝看幾對冰壺曾掩
映誰期玉樹竟彫殘庭空落日蛛絲暗寢外吞聲絮
酒寒徒見黃岡多古道脫驂歸殞色無難

爲曹厚菴

雪中過前輩曹厚菴司業讀其入掌成均詩賦

和

懷抱向君容易盡只因古道賴君持世情誤比梁園
客志學會同周子祠

厚菴先與予同
學濂溪書院

竟日橫經頤解

後忘機對語雪深時新詩把讀頻生敬爲羨成均得
所師

送晉黃知真定府

壘篋酬和在長安愛汝因心友道難同調幾人推北
地孤行愧我直東觀會傳舊德畱犴狴

晉黃原
官刑部喜有

新符動鳳鸞鉅鹿去天仍尺五日邊消息倚雲看

曹秋岳太僕招同顧菴宛蘿彥遠照千讌集適

前輩吳駿公先生有藏墨詩分韻屬和

每嘆用晦說當年此日揮毫對肆筵正媿淪糜同賜
令敢言食字託逢仙水從清淺頻驚見石縱磨磷自
比堅知是高賢多枕籍獨畱元賞付松烟

送退菴御史假歸省親

悲歌偏許入燕臺正喜吹篴仲氏推簪筆幾年畱北
闕布帆一日賦南陔竹谿應報三春夢桃葉長浮千

歲杯我亦上書行且去知君有約復西來
退菴家居多竹復有

入楚之約

聞謫杜門同門余虎臣年兄以詩見投步韻裁

答

獨坐風翻葉亂萍閒來十日午初醒漫勞傳會戈相
向原少交遊戶自扃新月吟成浮滿白故山書報草
還青倚欄好把停雲看有客聲聲嘆鶴鴒

謁前輩曹峩雪先生 有序

先生辛酉鄉薦出廣東姚谷神先生門姚與

家大父為同年莫逆交適同分校浙闈大父

偶見此卷即以大魁決之戊辰果第一今應

召來都適長公顧菴正讀書館中侍公來者則季子

彥博也予與顧菴同年同門同官遂喜而賦

此

遲我追隨及此日大名猶憶我生初珠明東海傳同

舍錦奪南宮照直廬叶卜漫能驚夔伏占星首應見

龍餘停車知有趨庭樂肯許聞三亢不如

為王天錫大理卿壽

十載論交意氣多稱觴此日更婆娑庇民時見生山

甫聞道天將鼻孟軻豈弟況會同壽考原官督學平反方

待播祥和服官五十年華在謾許吹笙向薜蘿

上座主宮保孫夫子壽

京華滯跡立程門三見蓬萊滄海翻天正愛民開壽

域師因重道脫高軒撫絃家有遺風在服綵人歸樂

事繁時茂先世兄以請終養歸但說朝廷求舊急三公原盡鹿車

輶

同萬咸未菴除夕作

一向長安徒自老三過除夕不成詩到今懷抱何曾

放顧我年華謾欲移昨夜春生池上夢先一日立春他鄉

柳暗鬢邊絲傳杯仍似山中舊驪首來朝計與誰

寄同年王二兮知平原縣謝其館穀予門下士

每慙民事不曾經有友平原得訟聽對鶴常閒書架

滿懸魚偏喜客車停才名久避馳三舍郎位先占映

六星自是遺風顏氏在遲予十日飲猶醒

送石臺督學江南

爭傳憲轅出新頒敢唱驪歌祖酒間共許流風還吉

水先世俱出
吉水谷村

應將時雨過鍾山文章國士千秋重桃

李春江二月斑數載相期元不薄好從彩筆訂吾頑

喜王涓來館選

尋盟每約在春闈只爲傷今友道非隔巷頻來呼夜

月同心更喜接 綸扉崧高正誦生申什

時涓來
三十 藜

照重分太乙輝讀史寄懷君夙好莫予虛過只思歸

送姜真源侍御巡鹽

同記當年賦鹿萃到今唱和猶同聲才官山海多推
重驄指徐揚再避行爲霖雨過香塵遠浴日雲連夏

水平君去不須頻悵望班聯早已待和羹

答韓固菴中翰卽步見別元韻

分直正逢縞帶交悲予燕過泣歸巢竭來爲釋高堂
累此後誰原舉世嘲有願集裳攀沆芷何心嗣服起

秦嶠

家系出
西平王

相思獨倚伊人在還看乘時誦拔茅

天津晤孫茂先世兄寄別吾師

每依函丈說紛綸俱是流離以後身救世有心師報
主探名徒累我貽親舒懷那復遲三日分手難堪已
數旬所恨孫謀人不見還山倘許竟沈淪

又

正傳啓事

帝心知翻愛抽簪未老時著草日邊

超鵬冠藏舟岸上傍鷗夷

師芥舟左有鷗夷祠

避人久已從吾

好玩物何爲有所思懷袖響山多絕調別來幾唱舊

宮詞

師輯有響山小吟又嘗吟舊時宮詞

又

程書盡日坐莓苔花下頻呼孺子來紫管容予顛散

髮青衫對客泣停杯藤垂鸚鵡藏偏穩枝許鷓鴣借

不猜

師藤陰下懸鸚鵡又曾以一枝借栖

萬卷樓傳孫太保問奇三徑

莫嫌開

又

盡道長安大隱居回瞻嶺外嘯聲殊卧遊滄海都人

士食邑公孤子大夫野哭至今唯郭泰學傳媿我自

姚樞相逢羨有趨庭樂江上停橈影獨癯

舟中夜雨卽事同萬咸子木限微字口號

十日江頭行百里那堪雨黑怒濤飛舟人逐日加餐

飽稚子呼風罷釣歸棲泊關心妻子累鼓吹幾處送

迎稀夜來有客當謀醉更漏聲聲纔睡微

萬休以他約先發不果遂遲予同舟

辭官日日與君期今日江干君正遲呼我歸舟堪共
托勞人寄食暫相宜不嫌寡和懸琴待偏愛高眠向
榻移箕踞渾忘真世外一帆對月漫裁詩

江上逢同年王湯谷

有序

湯谷與予同上春官時尊甫先生出知敝府
太守及湯谷與予選讀中秘書而先生棄世
矣湯谷躡躡號歸今且服闋予乃以先王父
之變請承制去正值湯谷北來遇于江上湯

谷返棹送予三十里至滄洲一夕話相對淒
然不忍分手因憶予與湯谷同年同官投契
更深離別之情前已三年後又三年意何堪
也時同座者唯湯谷與萬咸及予三人而已
萬咸賦五言予賦七言和而送之

我昔送君揮淚去君今悲我別難堪幾年書到傳朱
邑直館人同憶馬談雲出千峰雙棹合波回萬籟一
烟含論深漏短何能寐月下相看顧影三

月下聽吹笙

栖泊驚傳奏鼓聲偏宜此夜獨吹笙鳴金待漏人懷
甲映水如弦月出庚弔影非仙聞鶴下懷音有客向
蟾生年來多賦傷心曲絕調誰堪和遠征
衛河逢同年周茹公時茹公小不豫過舟道契
濶黯然有作并懷同館范覲公丁景行楊地
一諸子
三日兩逢知已過艤舟詎復嘆逶迤君來猶說離愁
在生後原經患難多正待及時依仗馬無然懷古下
銅駝同官尚有憐予問爲道風吹泊衛河

過臨清謝同年郭石公戶部見顧兼以爲別
閘邊五日漫停篙一夜歸思幾尺濤暫比同舟爲郭
李已從轉餉識蕭曹滿懷冰雪消炎暑過眼雲霄看
羽毛知我初心將誓墓好音千里莫辭勞

七夕立秋有感分得醜字

忽忽涼風暑已徂金臺回首獨踟躕悲秋一夜曾侵
鬢今日三年幾賜醜今上每于今日賜侍臣宴到此河邊徒白
露誰從天上問黃姑溯洞空看流螢出月暗前村葉
落無

真山人後集 卷之二
秋後一日逢同年沈繹堂握談移時雨驟至
昨夜秋生江上磯君來北極我南歸難分袂去多年
別忽亂沙飛兩岸圍暫看蛟龍歷黑日久遲鸞鳳視
黃扉同儕調燮應先屬報主無言心事違

過東昌問尚書張蓬元先生

懷來各有志難忘道故曾爲竟夜長通籍我纔思負

笈傳經公正遂還鄉

先生請告日
進禮樂二經

殿中猶識尚書履

座上頻呼大父行國老慙遺今有幾肯隨秋水逐帆

檣

逃署野寺適張君爽携具來因贈

荒寺偏看車馬從吾徒蹤跡每相逢幾年共索長安
米有淚曾揮報國松此日臨河風謾謾何人排泗水
洶洶憂心當暑增煩亂偶對蔚藍野興濃

舟行看荷花分韻得花字

寄語荷開我到家豈期此地看荷花誰爲攀客留三

日耐可題詩共一槎千葉出山翻在水

千葉蓮
出華山幾枝

含露竟如霞挽行祇好尋幽賞莫繫垂楊起暮鴉

秋江

秋江西望淚滄沱何日深山倚薜蘿烟斷虎生銅鼓窟風翻龍鬪洞庭波
朝廷幾事開新詔縣令頻年索舊科聞說南安相國在居人感泣比蕭何

又

滯跡行吟秋水閒驚心擊柝過邗關螺江風湧艤觸發鹿渾雲沉旌旆還誰當外藩留鐵券尚勞老將下
金山自知天策多神武海上何時獻白鵬

又

河決東西河復壅築河人逝濁泥封臣工敢望梁山

甸廷議無嫌泗水衝霜鬢蒹葭橫白露魚鼈波浪觸黃龍悲秋不爲臨流劇滄海千年樹幾重

又

嗷嗷鴻雁入雲層往事愁聽思不勝報國有人原慷慨念民無告只歿歿當時閱實歸司馬何日投荒見
集蠅一帶沈淪憑野望流離幾處許哀矜

寄懷高彙旃師

爲詠伊人秋水篇師恩猶記絳帷邊頻來列坐三千士未亂抽簪十五年綠管幾傳南國後白華曾應北

堂前師居喪跪書法自知重有生平在豈愛潺湲第

二泉

維饒姪走書白下索字賦答

昔在長安數見汝今來汝尚客江湄眼中已擅英豪

譽膝下頻傳唱和詩芍藥幾年花共賞茱萸前月飲

偏遲相思正向過庭寄遠道胡勞問字奇前重九日 後一夜侍

飲于兄梅公夫子正念次郎維饒 少年喜作詩當此必有佳句故云

舟中送維介姪西歸兼寄龍生

照眼江村十月榴歸舟先發過浮丘幾年兄弟相師

友予少師事梅公兄 維介即其長子此夜潺湲聽去留同舍已多龍

尚伏看君應有鶴為謀維介時 載鶴歸踏歌媿我無顏色來

自金廬一蒯緱

乙未初度泊江寧

號泣空悲百歲翁浮生何復侈微躬每看去住棲梁

燕却憶東西踏雪鴻身泛海風千浪出心投塔雨萬

燈中時在報恩燃 塔雨竟夕從前三十九年事負我虛名綠髮

蓬

又

豈知秋盡滯歸程辭直銅龍嬾更生謾唱白頭同永

叔

歐陽公云四
十白頭翁

幾從滄海問方平勞心過眼江村夢

深夜長年子舍情況說間關烽火急只愁老瘦見親
驚

過蕪湖投周伯衡使君

愛汝名先重玉堂每從東壁得餘光何曾言數慚康
節自與同心識大坊毫染鴛池垂簡白符分牛渚照
銀黃時方求舊來丹地爭看軒車錦繡香

重過小孤山卽宿其下

江上小孤仍壁立重來山下獨踟躕雲垂百丈燈明
滅漏轉三更夢有無猶是殘僧盪槳過空傳餒虎向
人呼風生幾曲蓬科亂一夜中流聽咽鳴

送十五內弟藥我之任和州

君家兄弟擅齊名之子從戎獨遠行清白豈真遺後
累豪華只恥列諸生

藥我棄諸
生擢武科

刺船春水酣歌穩看

劔秋霜老氣橫懷古濡須爭戰日可堪搔首問羣英

贈同門楊青巖學使二首

相隨馬帳自長安爭比登龍一代難我忝東觀諸子

列人師北面兩公看為仲章名同入雒原推萃文到臨

江直接韓匠石過門材應出扶疎當見豫章繁

又

馳名文伯十餘年官領西曹使者前分得水霜留筆

底携來日月照湖邊西江城有日月湖當初匡鼎傳三百青巖

治詩 近有侯芭說大元況聽吾宗歌棧樸夏雲肯礙剡

溪船

喜逢蔣穎升時寓青巖署中

記吾十五侍師前穎升尊甫守漢陽府日試士列予第五屏後亭亭玉

樹連揮淚會留燕市上重來不是楚江邊詩成霜管

孤吟夜人醉秋華八月天放眼知君原有託暫將青

白過朱研

有感答陳士業徵君

二十餘年真我友頻來握手豈須招風前獨立悲同

舍江上重逢已隔朝九卷君文變虎豹士業章貢讀書樓集共九

卷刻成 千秋吾志媿漁樵何堪驟雨翻雲黑不盡波濤

急晚潮

歸過武昌走壽樊海通舅氏

高堂伯氏獨推公況說生年岳降同有客三千曾許
國去官六十不成翁相知後世楊雄在遊戲前身曼
倩工開眼浮雲今古變滄桑何事礙虛空

過蘄州投汪梅苧使君

荆王城下列輕舟爲念伊人縞帶投我比李琪懷白
雪公如蘇軾在黃州山盤龍拂旌旗轉江湧鼉乘風
雨收自是上游紆帝顧可無擊楫向中流

沈大悟書來遲至潯江兼懷茶菴舟中步韻答
之

還水書來歷九秋渺予草草下江州幾年隔夢千峰
月何日開樽兩玉舟誰是升沈能自主卽多恩怨亦
堪休寂寥楊子空牀淚高卧如君百尺樓

過大通驛走使報同年葉植卿知歙縣

久將歸去許黃山今隔黃山五日間況說主人能好
客尚耽微祿老行關青蓮樵谷遺憂恨任昉春溪自
往還肯笑樓臺無地着門風僕射喜相攀

用題葉願
句植卿以

襄陽久亂
避地遠去

徐州別同年周文山戶部

肩輿浦口速王程十日纔逢候吏迎知是吾徒多古
道漫令有客肯宵征握談漏盡愁還在貫酒風前眼
獨明此去莫傷重別久司農報最已推卿

送同年吳繭雪出知潮州步王思齡韻

公等西曹紀盛游論文猶記傲千秋再來上谷逢關

騎在新城遇寧武道張驚說長湖駕海舟經歲波濤

齏帶水嚴城風雨鳳山樓嶺南自是需良牧萬里蕭

然只我愁

又

三年酬倡友兼師愛我偏為洗墨池繭雪喜天許悲

歌懷古地客歸風雪醒然時同籍惟繭入春已夢萸

同鹿送汝難言茶是薺自此寂寥楊子宅誰當伯氏

肯填吹

又

重過燕市又春華市上偏垂兩髻丫漫喜素心人似

舊那堪別淚日將斜六年過草圖書壁一路開樽兒

女花時繭雪膝下追建節百蠻千騎擁何如待老問

籠沙

又

碧湖萬頃繞金城將見君行吏盡清往事龔黃爭再
見幾年膺密媿同名花圍桑浦開三徑車過麻田識
耦耕文教應行 天子意難禁此日是離情

送館師薛宗伯歸養

方喜重來師未歸師心偏愛向春暉移舟路口水初
泮舍墅河陽絮正飛漫說丹砂還藥澗笑縣蒼玉過
庭闈一時多有山中興偕老家君百歲稀

又

郊外風沙兩眼瞢師歸媿我未擔簷挂冠何復誇梅

福鈞黨曾傳救李膺

師振我于難

此日離筵仍絳帳幾年

退食指烏藤高堂縱飽青泥飯搔首宣陂思不勝

又

看花一路當行春望嶽樓前擁皂輪位近三階傳令

子年過五十侍雙親摹來石鼓還依栢

師原官司成不記

槐廳已積薪谷口浮烟雲未暗林泉何遂有斯人

輓趙洞門夫人

忘年久與大中丞呼拜屏幃記我曾正覽鳳毛輝日

真山人後集 卷之二 三 此心堂
下誰期鸞影隔晨興芻牀過眼家三世染飯安心佛
一乘知是再來隨去住敢將絮語涕垂膺

送嵩岑僉事之任鬱林

仙郎分陝禁中題牙戟初臨列馬蹄 帝念百蠻

新屬國家傳五世舊安西蒼梧秋盡藏風雨銅柱春

回散鼓輦借問鬱林石尚在

先太常曾備兵此地有碑

麒麟畫裏

肯相携

答應章和尚用閣師張萊州元韻

正陽門右錫曾飛騎馬頻過心事違上乘直傳亭栢

子下根誰合箭鋒機與人未許忘言早知我何妨問
世希猶記慈源寺裏語歸思一夜幾求衣

介王高郵

孟城間氣玉虬蟠滄海濤平米化丹笑向人間彈指
易不因行路放歌難呂虔珮解傳家在陳矯車回舉
國看近日更聞新詔寵絳騶獨坐動長安

去館漫詠十首

何會夢到玉河邊東壁回翔已七年每笑詩肩忘夜
漏難驅病骨近花韉過時白露遲家釀計日青芻割

俸錢閒有二三朋耐久還來麤糲肯留連

又

草草風塵敢告勞側身孤立莫天高殘更愁盡聽金
鑰索米名翻比玉膏刺豈禰衡徒漫滅居如仲蔚竟
蓬蒿新晴纔有肩輿興興拂面風從北地號

又

長安躍馬問相知巖老餘風尚閱碁望眼雲迷占北
斗鄉思鵲噪向南枝薄衫却喜回春早好友誰能緩
貨資難解吾伊真怪事年過四十不嫌遲

又

轉眼三年看物華未乾坏土更辭家方慙誓墓心徒
在忍問瘵官罪欲加輪直乞鄰多借馬開緘有客強
塗鴉到來兩月春光換酣卧王郎興正賒

又

遲我花殘二月時螭頭重過染烏絲偶應盛事櫻桃
宴漫詠前人橄欖詩看市逢僧偏共語挑燈盡夜獨
何爲近年肺病經春劇杯酒入脣便不支

又

黃山人後集 卷之二
記得披門奏對年 九重親政萬幾全
元臣露浣傳清禁下士霑榮列細旃
披絮早朝殘霧濕行吟長據老槐偏
此生似只宜丘壑難與虛恩復外遷

又

過耳紛紛總莫追 非關時事祇求疵
酬知我永歎無力畏罪人難盡有私
却憶負瓢逢婦語敢遲斫膾待秋期
薦賢近會無常秩正獻當年肯受欺

又

文章近代復何如 宿好廿年我未除
將爲六經當羽

翼還令兩漢莫丘墟 同心對久頻捫蝨
衝口忘前有泣魚但借江東竹馬去
謫仙乘醉且騎驢

又

南北東西誰復論 吾儕有母敢輕身
間關屣履曾甘

罪乙酉建昌署道不就幾世蕃宣不媚人先給事以忤江陵遷浙東僉憲先大中以

忤瑞私遷豫章大叅報國相期同衛涇 承家何肯異栖筠 鈔予

無限傷心淚 俛仰升沈跡已陳

又

誰倚南牕聽桔槔 息機回首看驚濤
幾番落日雞栖

亂閒指空庭蟻戰塵正媿無才難限斷何心作賦反
離騷詩書漫卷非狂喜重負 温綸下選曹

答曹厚菴掌坊見慰步韻

罷直局扉雨過時停車慰問敢忘之幾年失學從家
難先輩憂民自國醫蹇蹇立朝專有託悠悠行路總
堪悲歎余持節秋江莫何日還山醉菊籬

送黃心甫再過山左

逢君燕市獨何遲又我梁園放逐時買酒菊殘人共
老論詩月到興偏隨盪胸滄海層雲出極目關山隱

霧吹聽得馬嘶尤不耐思歸客尚指旌麾

復處士步韻

我亦深山早避喧十年已許老駒駘轉眼逢場聊作

戲傷心盡處只無言偶從蘇季亭前歎

適過沙河激
客亭余前事

有類
此者

誰識楊雄閣下窺

莽大夫屬
谷子雲事

自有高談能不棄

白頭豈是怨長門

懷慶署中九日步雲田韻署卽鄭王子宅也近

始移此

廢宮移署向城隈轉眼興亡動地哀千里鄉關花下

真山人後集 卷之二
夢百年時序掌中杯
葦蕒徙倚仙人藥
風雨空濛帝子臺
浪跡何心容久速
長天極目鳥初回

其二

記我來時苜蓿肥
黃華到眼尚難歸
山妻偏勸休官早
濁酒何須食祿微
笑比參軍忘帽落
漫傳謁帝有鳧飛
浮家縱許過茗雪
薜荔終成楚客衣

答沈繹堂時官大梁分巡

高秋風冷太行西
我正懷人落日低
往事叨逢牛馬走
一行偏共鳳鸞栖
年年逋賦開菑畝
夜夜郊原聽

鼓鞞君去梁園還
大雅空慙薄劣對
昌黎

已亥八月十五夜同長益索有客歌喜雲田還

署限韻

荒樹啼鴉投晚林
人來月下有清音
非關楚客多悲

玉漫聽燕臺又築金

時特舉會試

時過秋分華未減
詩成

夜半酒偏深浮沈已許窪
樽約誰料淹留八月臨

候兵衛輝城中偶病卽事

師還芻糗檄頻徵
重過荒城病不勝
瓦破燕巢塵到案
封殘鼠囓紙迷燈
連牀襪被常虛枕
退院蔬盂竟

似僧縱有望京樓尚在何人帶劍敢輕登

將去懷慶與雲田子候其弟仲敘禮部捷音不

得慨然有懷與其再過署中時已亥九月初

六夜也

徒倚黃河古渡頭長安不見更悲秋明年縱好輸胡
且深夜難禁憶子由將老尚虛魚膾待臨行偏爲菊
花留西歸有客仍堪醉肯教茱萸此會愁

爲維饒姪歸壽其母朱夫人

研几追隨伯氏師每從唱和讀新詩

夫人與司馬公有唱和草伯

仁下策真多媿道韞重圍自解頤家有鳳毛花萼盛
客來麟脯海田移章門偕隱前人在四十休言跨虎
遲

送譚灌湘檢討請假歸養

恩先侍從許陳情幾炬金蓮出禁城袍映榴花真戲
彩帆開萼葉更遺羹寒河人遠諸昆在別墅天留一

老迎

諸父中惟隱林尚在

羨爾年華歸計早能無耽祿忝餘生

送劉杜三歸爲其母陳安人明年正月七十

騎馬頻過喜率真送君還憶廿年春豈因久客須微

真山人後集 卷之二 三十一 此八堂

祿為愛長歌慰老親家食直同在世佛斑衣猶見隔

朝人元正七十堂前宴好日稱觴萬象新

明年改元康熙

嚴顥亭都諫過問并索新詩書此答之

一自梁園放逐後西湖重到未留詩不堪往事虛名

誤只媿勞人病骨支有客敢當青瑣過退朝常望白

雲垂從前已懶長安笑冷局何嫌久更宜

同年張箬漢考功郎請假歸養喜逢其兩尊人

雙壽詩以送之

我亦思歸娛老親喜君先我得歸身重看萊子瞻依

地肯笑何郎送別人

萊子荊州人何尚之以吏部郎告歸定省兩事恰合不敢避舊

分賜五花千歲酒含飴六乳四時春當筵樂事真無

限況說長庚日月輪

寓中逢奕僧山人七十步熊塞齋祭酒韻

春光重暖留燕市即汝初心似亦非十九年來難別

去兩三人在豈知希敝廬野藿猶堪飽巨浪扁舟肯

息機百歲翁成偕我老萬場泥醉任霑衣

耿篋伯以不羈去官來謁予甚恭即為其母七

十索詩予與尊公玉齊副使稱世交不得辭

率爾成篇

官去飄然不折腰征鞍數過獨鳴簫將毋東海交情

重 玉齊觀喜見高堂母德邵國制絲綸傳再世家風

察台紹鍾郝自前朝遙看七十稱觥日應有麻姑到石橋

喜王素修前輩除學士

朝元春早聽麻宣字押除名盛事傳不朽文章還此
日太平宰相是當年紫微直伴稱三昧紅藥階翻送
八輒莫笑望塵曾下拜禁中頗牧有前賢

寄壽陳卜五六十

久將古道處陳琳爲汝雲霄意氣深有客三千隨俯
仰經年六十笑浮沈彩衣池上雛皆好華髮堂前雪
未侵一曲解紅仙子醉行廚無限供盤金

時卜五有梨園寄居

送季滄葦御史巡鹽河東

乘驄西指拜明光柱下曾看玉節郎霖雨無方
天子意水精有味侍臣嘗層冰乳結河東雪落月雲
迷冀北梁漫道熬波能出素知君白簡自飛霜

又

冠岳立識方嚴籌國誰能惟汝兼五帝堯封留太

古六官周禮重羣廉隨車花煖三春盡彈指風薰萬
竈添肯把驪歌催驛使 九重還特賜戎鹽

寄祝山陰胡太翁

傳道蓬萊

山陰縣有蓬萊閣

玳瑁開絳衣人共羨羣材三台

啓事承恩早二妙登車獻賦來紫禁青鸞回錦誥丹
池黃鶴散珠胎海田自許尋常見紛後還容孺子陪

九日夜集劉得輿父倡韻歌字

十年九日客中多老我今年髮更皤雨後病絲頻展
轉籬邊歸夢復蹉跎授衣慈母人千里謀醉他鄉酒

一螺不是夜深難假寐何從好友發狂歌

辰日示果兒

五年辰日不同居汝却風塵萬里餘來去炎霜遮老
馬飢寒兒女望雙魚一船春水原相約滿枕黃梁總

不如

時演部

自媿文辭沈溺久少時學道竟全虛

朱三菊廬來訊我近狀行歌互答漫成十首

有引

今年春思歸情急鬱鬱病作得朱菊廬來連
牀二十日菊廬吾友也十年不見一朝握手
安能無言又安能以無情之言相酬答耶遂

累十首菊廬去而余病益劇呻吟一榻兩月
餘同僚諸君子愛我者多每勸靜攝保躬出
襄王事義高而詞婉余非不心感而高堂
之夢時時在心目間卽欲不病烏可得乎病
中八首情至之語愛我者自知之不計其他
矣至舟過京口就醫問藥異旦夕病愈歸慰
高堂而履地悲涼憶五年前爲亡妻永訣之
所未免觸物生哀不知其涕之無從也亦情
也維舟六日日成一首李子其傷于情已乎

吾過矣吾過矣

悼內詩編入
五言律中

十年吾友不曾過燕市相逢涕淚多興盡祇傳溪上

棹

菊廬曾約晤
陽邏江不至

別來誰和郢中歌每看落月朱灣在

輒嘆涼風李白何今夜燈前無限恨但留顏色總蹉

跎

其二

禁烟城下火初紅棘寺人歸暮雨中官冷都如寒食

過客來恰與永和同

時當
上巳

有時花向荒祠望無意香

偏曲巷通莫怪逢迎全未解吾徒仍似在牆東

其三

大名誰與卧南陽會道并州是故鄉絳帳諸生求北面金門往事許東方琳瑯目觸天人策湖海氣吞上下牀不見少年同學在李生猶自比馮唐

其四

傷心何處說從頭坐對繩牀老比丘百草未全虛大地三春將盡只重裘夢回風急驚聞雁架折書殘笑汗牛去住浮雲天外落此身原自許千秋

其五

不是畏人恥祿微敢糜好爵亦全非君看幾日能高

枕我到深寒獨掩扉三月藤花徒有約

寓中藤花載在大興縣志

傳四百
年矣

廿年杯酒未曾揮菜根麥飯尋常飽偶爲良

朋典客衣

其六

高堂垂白敢投閒閭望翻令歷苦艱寸草何心春幾度分陰過眼髮全斑愁多雞骨誰能遣性懶騶呼不待刪安得故人還作伴我來驢背看青山

其七

當時曾與共聞鷄一擲年華任馬蹄塵暗兩河千騎

擁濤飛五月片帆栖外遷河北浙東時事迢迢古驛看殘碣草

草荒丘負老妻燕遶空梁巢未穩綠陰深處有鳥啼

其八

紫花門內過牆高門外風聲蔽地號劉向猶藏鴻寶

苑王維豈唱鬱輪袍已曾三告難投杼縱有千行莫

反騷管鮑黃金容易盡經年風雨見吾曹

其九

新朝方共賀同風市上偏誇帝座通作賦有人驚蛟

蝶解嘲何事侈雕蟲定評少待無嫌久吾道多艱豈

諱窮如子高懷特難及神仙骨相眼方瞳菊廬近學長生之術

得有

其十

君行當暑地揚沙萬里犢牽一小車不肯絕交來息

壤但存知己聽天涯投村記喚黃梁夢著筆應消綠

鬢華樓上若逢王粲問謂吳廬也為言李密正還家

病中

兩過春明就一官風塵萬里獨衝寒安能睡穩三更

夢直似帆輕五月灘百藥多艱從少小延年無技合
摧殘故人應久憐予病不是驚心蜀道難

其二

先皇特召下西吳名比六臣媿腐儒國士自來無地
報 大行何在向天呼幾年落日憂傷盡一棘空
庭徙倚無如此衰頹誰見問強言不病敢欺吾

其三

梁園浪跡已飄零五載重看百草青瞻視徒慙分法
座平反無力動 宸聽心隨春水歸舟急夜轉秋天

客夢醒雲裏星星雙白髮鱸葦何足羨江汀

其四

此子原宜置一丘 聖朝不惜網羅收車中荆棘

曾題鳳屏內琉璃自喘牛已是槍榆難奮背何堪蒲
柳正逢秋災生福過尋常見未老殘軀信水鷗

其五

平生檢點自晨興苦趣偏多力不勝罪過因緣三色
管荒唐夢想六朝僧忘機久許招黃鶴用拙還應老
茂陵與世詼諧非易事諷吾真是夏蟲冰

其六

記得趨庭往事論
驚濤早退有孤臣
高風猶在連三世
後日何知恕一人
坐久流鶯曾解意
牀空落葉轉傷神
門前松菊荒全未
灣上烟波好問津

其七

昏昏過午尚高眠
幾日呻吟一榻穿
種竹偶然乘雨後
看雲無數落花前
鳶肩有命羞同齒
雞肋何能厭老拳
回首猶嫌今已晚
乞歸安肯讓人先

其八

久歎勞人兩鬢侵
天涯何事任浮沈
誰尋把臂還如舊
遂爾行吟直到今
笑口難開燕市酒
孤舟共識楚臣心
朝廷浩蕩恩無限
縱卧深山有照臨

送周葵初撫山左

曾從珥筆侍金門
十載同心託弟昆
自喜殿中傳玉節
行看山左識銀旛
帶河指日垂流遠
登岱觀星拱麗繁
久矣澄清君大志
淹予何事說平反

寄周櫟園侍郎時備兵山左

重逢俱是再來身
畫戟驚傳汝岱巡
只爲袞衣還用

舊不妨玉節更從新官遷往代推劉柳神降同時見
甫申無念東歸猶未早頌聲久已徹 楓宸

九月朔日舟次滄州山左周撫軍葵初遣使迎
予先此奉報

此去身輕一葉舟漁蓑江上正同游故人喜有狂夫
過深夜忽驚使者求乘輿長風終見戴論交醇酒幾
如周好逢兄弟茱萸會縱是他鄉九日留

周撫軍署中與長益夜話

紅塵車馬一官淹東海重逢別緒添節度久傳容杜

甫田園今已得陶潛携來漫有驚人句歸去應垂賣
卜簾廿載晨鐘多猛省泥空落絮不曾沾

九日周撫軍展待卽席走筆

昨夜停舟風雨來中丞今日宴重開大名學士登高
賦新敕司空借箸才落帽孟嘉原楚客張筵郭隗

比燕臺爲座中客銜杯莫遣黃花笑佳氣蓬萊只尺回

留別周撫軍

纔解征衣話未央驪駒再唱又河梁只因好友經春
約不記秋風岐路長回首十年如昨日共君一夜卽

重陽清泉白石難欺語約突亭前棹臂行

過蒙陰贈同年詹雲巒縣令

記送故人來吏隱病軀扶過且停車無勞彭澤花間

酒時過重多折蒙山頂上茶相見鬚眉還似戟幾年

蔬食只如家為聽子弟田疇誦翻愛東郊古道賒

寄壽總憲龔芝麓先生卽用見別元韻

梓署名傳有鳳威高岡千仞振朝衣坵壇久許存風

雅宰相偏難執是非身歷冰霜吾道重年纔五十比

肩希 朝廷正倚關西在應見三鱣此日飛

又

每從杖履賦登樓敢為同時後勝遊北面朝宗自沔

水南車見斗卽廬州班聯獨坐來蒼佩指顧三公尚

黑頭回首春帆閣名開絳帳稱觴無計挽歸舟

舟次石城喜宗伯閩園兄來卽步見投元韻却

贈

會羨東風第一枝為老友有人猶笑髮垂時何當遺

老驚相問偏喜忘年交未遲乘興刺船回雪浪揮毫

著鄰映朝曦兄孫述呼來共醉秦淮酒倡和堦筮除

夕詩

舟中春夜用韵

江頭已發向南枝千里歸帆未掛時
歲月驚心容易過風塵回首尚嫌遲
連朝得句燈花放竟夜銜杯月影移
只此百年春夢穩每逢佳節好留詩

乙巳元日舟中試筆仍步前韻

梅柳新枝開舊枝春光猶憶六朝時
橋邊躍馬應多羨江上求衣莫厭遲
招客重歡連北渚拾箋初試向東曦
自嘲跋扈登壇久高適今年始學詩

元日舟中家集宗伯兄與其孫述聖并邀黃子

威過談卽席同用前韻

愛插瓶中小小枝天涯兄弟賞心時
辛盤但有蔬盃共乙夜會傳藜火遲
星奏德門牛斗宿日來佳氣海天曦
座中更喜無雙士過日相看各把詩

元日遣二弟先歸馳報高堂再步前韻

且折梅花寄一枝高堂應是倚閭時
牽衣縱看諸孫慣行路多驚遊子遲
好鳥還棲南圃月疎林返照北庭曦
乘風小艇須先發爲報青谿上日詩

八日江行

兒書報到草堂開江上題詩人未回
綵髮驚從過客換布帆穩仗隔船催
天空雲樹迎新月露冷春衫呼舊醅
漫悔生平多逆棹好風應不妒歸來

樊八舅海翁過訪投詩五章步韻答之

懷抱逢人說總難豈耽微祿向長安
當時白髮驚心在幾度黃河舉足寒
游子經年違寸草有誰同調和
倚蘭今朝移疾來丘壑親舊相依各盡歡

其二

論親諸舅自情濃君更憐予衰髮容
方忝文淵成畫虎豈真元禮號人龍
嘯歌酬唱頻忘分門徑荒涼肯
過從攻短非甘逃禮樂登牀高卧恕疎慵

其三

闔盡名山誰與藏連朝風雨話同堂
埋頭獨負雙眉撫搖尾難堪半面妝
傾倒樽前從白下傳來亂後薄
淮陽夢中蕉鹿何能識拄看行雲掛野航

舅曾司李淮陽

其四

流光忽忽似朝烟江上重逢又一年
塵柄堪揮猶未

老舌鋒相向更無前長吟句就敲壺缺微笑機生指
月圓聞說遠公蓮社好陶潛莫苦日盤旋爲晦公也

其五

三間老屋碧烟團百里扁舟淺水灘驚座肯緣羣從
貴高堂喜見一兄難幾因名盛曾招忌莫厭家貧頗
得安乘興明年還信宿魚鰕麥飯腐儒餐

雨中承熊塞齋祭酒枉駕因出和余所書荀叔

扇頭韻見示疊唱奉答

相看何必話爲官樽酒更深見歲寒步窘城陰三日

雨身輕泥點百花灘非關性僻違時好去聲但聽聲喧

怕客殘同調素心晨夕共肯嫌頽放載歌難

十三內弟房季過我感賦

別君記是離家前十載風塵獨惘然回首停雲遲短
棹傷心落日送危絃重來酌酒雙柑下老逼驚人一
飯先欲語更闌終未盡西牕殘夢不成眠

同房季渡河省外舅恒齋先生遇雨先投聲叔

宅上但見其二子

高軒我見纔三日送子河西一小舟不盡行雲吹水

面正逢零雨過山頭到門鳴鳳推元敬分座乘龍近
太丘雞黍寧甘容易別催科戶外正誅求

步劉千里投贈韻答之

十年萬里得歸身好友重歡白首新往事牽懷乘醉

後幾人圍坐落花辰西州舊路悲同舍

予與千里初識于舅氏樊

忠烈公座上

北嶽初心恥濫巾今日長林堪把臂嘯歌隨

處有天真

又

慣習山中任袒肩素心析義日長天不才自少知予

懶聞道何人占子先豈比談經施後帳無妨說法觸

虛船牢山豪傑應相屬且向東平大阮傳

爲乃叔岡玉年兄

丙午元旦試筆

昨春元日過江南鼓枻長歌興正酣一擲流光驚歲

改兩年晏起罷朝叅辛盤奉母

君羹在乙夜傳經

父教慙但喜老農占大有加餐此外復何貪

上元步雲田韻示步成房季海臣諸君子

老樹新移向繡樅連宵風雨落花中春沈穩睡嗔雞

犬壁影搖燈畫草蟲已得投閒身似葉何嫌對客首

真山人後集 卷之二
如蓬村居遮莫山靈笑泛粥祠膏屋角東

春雨卽事分韻得簪字

春塢藏花向夕陰香開一葉不勝簪

時齋頭瑞香初放

豈因

遲暮傷風雨喜共高談辨古今盡日圍棋消幾劫經

年採藥費重尋牀頭有酒還須醉閒看堦前綠草深

聽步成述王慈虎山居之樂詩以寄之疊用前

韻

結宇香茆幾歲陰慙予霜鬢漫抽簪寄情方外應如

昔把臂林間尚及今棹發春江人自遠笙吹夜月鶴

偏尋莫辭狡獪方平笑曾見揚塵海水深

步房季韻却贈

春衫病起尚裝綿酒熟芋生爐火煖自少輸人黃絹

句獨君授我白雲篇無塵應喜林宗過有榻終當孺

子懸轉眼秋風鵬翮徙宮中題徧曉寒箋

步步成韻却贈

菰蘆中已許人豪乘興何妨醉濁醪莫笑辭官頻伏

枕從來退食但揮毫畫圖小屋層巒曲月影更深老

樹高澤畔遲君春水漲桃花流處著漁篙

忽念果兒今年二十七矣與余舉壬午之歲同

也又文介公以前丙午舉因作口號勉之即

用所得分韻湖字

庭北沈吟獨據梧因將往事漫踟躕正期嗣服今同

昔難道承家汝負吾時序百年天地在科名一日馬

牛呼千秋未了兒曹重衰髯生涯在五湖

同年陳海士初度索贈却寄

黃鶴樓成落彩毫仙人鐵笛送輕舸

黃鶴重新值海士來省尊甫臬

使題額皆出海士手書

春回湖北千家露花映江南二月濤之

子大名星正聚生申舊什岳為高慙予羣紀交非淺

海士父子皆同年

欲聽吹笙夢寐勞

又

星霜十五易流遷下邳陳登正茂年苟渚會開原用

楚金臺初築已趨燕青雲路步江袁共紫綬人稱建

奮賢大業千秋應有待莫因勾漏許神仙

寄同年雷六吉時巡鹽兩浙

長安八月下輕舟分手清樽幾更秋老屋山中徒壁

立故人天上少書郵久傳驄馬行多避漫比雲龍逐

莫由旦晚和羹思借箸好將吳越效前籌

又

驚心往事敢重論將伯如君意氣真部黨人方憂李

杜漆膠我獨託雷陳三湘月落千山暗兩浙風行萬

竈屯國計正須抒遠略直聲久著徹楓宸

寄石臺叅藩再任吳門

記自秋江對蔚藍每看旌節下東南好音遲汝偏難

到多病如予總不堪十載風行傳獨步萬峰梅放喜

重探橋邊竹馬應相望更見垂虹擁服驂

丁未元日試筆

山中長日已忘年為酌椒觴壽母前不住呼雛來郝

下何妨羅雀到簷邊詩成試筆童心在畫起嘲人老

腹便舊事都從昨夜過巨源書報枉連篇

都門嚴潔
菴盧亭一

曹澹餘蕭長
源昨夕書至


翁叢

書亭

河故羅

山中身

重探



書